



Rodolphus ex nobili familia Hirnheimiorum
 prognatus, in pueritia bonis literis operā de-
 dit, & mediocrem earum cognitionem acquisiuit.
 Inde adolescens factus Cęsarum castra secutus est,
 atq; magnam rei bellicę peritiā acquisiuit. Itaq;
 Eberhardus Episcopus Ratisbonensis eius frater
 Rodolphum ad se recepit, atq; Magistrum suę cu-
 rię cōstituit. In ea dignitate per triginta & amplius
 annos perseuerauit, & apud omnes in magna auto-
 ritate fuit. Quod si enim finitimi nobiles inter se de
 re quapiam dissentirent, hic Rodolphus se arbitrū
 interposuit, atq; utriusq; partis uolūtate multoties
 pacem ipsis restituit. Vnde non immeritō Rodol-

phus, ob præclaras animi & corporis uirtutes, dignus est, qui illustribus Ger-
 manię uiris annumeretur. Anon.